

Dangme

Year 1

MI GBAMI

5

A PO NE A NGMA



# GBI KE E HE NI TSUMI

## Mlaahi ne kudɔɔ Gana gbihi a ngmami

### NYA TSOOMI

Mi gbami ne ɔ hye saneyo slɔtohi. Saneyo ngmami jeɔ ketse kledɛ ko kpo nge Gana gbihi, Aflaane gbi ke blema sanchi a ngmami mi.

Wa sese munyutso ne ɔ bɔɔ he ni nge wa ni kasemi ne be ɔ mi. O ma nye kai no ne ji munyuza oti lo? Nyee ke nye sibi ne sese he kone nyee ngma nye heto ɔme.

Jahane ɔ, moo ngɔ o heto ɔ ke to nɔ ne nge ningma te ɔ nɔ ɔ.

#### Loko ni kasemi ɔ maa ba nyagbe ɔ, kaselo ne nye ne e;

1. ngma amaniebɔ saneyo
2. ngma kalemi saneyo
3. ngma peemiblɔnɔ saneyo

#### Otihi

- Saneyo ji ni ngmami blɔ nɔ tomi ne a guɔ ke jeɔ juemi aloo susumi kpo. Saneyo tsuaa saneyo jeɔ oti pɔtɛ ko kpo.
- Nye maa kase saneyo slɔto ete a he ni.
  - o Amaniebɔ saneyo ji nyazia nyatsɔɔ ne tuɔ munyu ke kɔɔ oti pɔtɛ ko he. Ekome ji bɔ ne nɔ ko ma je e nile kpo ke gu amaniebɔ he blɔ nɔ tomi ɔ nɔ.
  - o Kalemi saneyo ji saneyo ne kaleɔ nɔ ko: nihi, nɔ ko (adesa), he, nɔ ne o gu mi ke be hye, he numi, nɔ ko ne nge nɔ yae, ke ekpa kome.
  - o Peemiblɔnɔ saneyo ji saneyo ne tsɔɔ nɔ ko peemi. A gbaa munyutso ɔ mi fitsofitso ke tsɔɔ nɔ ɔ peemi bɔ aloo peemi blɔ nɔ.
- Saneyo fɛe saneyo nge e ngmami blɔ nɔ tomi pɔtɛ ne a ke ngmaa le.

## MUNYUZA OTI KE AKPLAHE MUNYUZA

Munyuzaha oti ji munyuzaha ne tsɔɔ yi mi tomi oti pɔtɛɛ ne nge kuku nge saneyo ko mi o mi. Akplaha munyuzaha ji munyuzaha ne yeo bua munyuzaha oti o sisi numi.

### Saneyo

**Kɛtɛ ne he hiaa ke ha saneyo ngmami.** E sa ne o to yi mi tomi o nya nge kuku o mi saminya. Ene o ma nye ya no ke gu munyutso o mi gbami, munyuhia a nya tomi nyatsɔɔ, no mi mami ke he odase yemi, no ke he tomi ke ekpa kome.

Saneyo ji ni ngmami blo no tomi ne a guo ke jeo juemi aloo susumi kpo. Saneyo tsuaa saneyo jeo oti pɔtɛɛ ko kpo

Wa sese saneyo slooto ete he ni nge mi gbami ne o mi. Wa je sisi ke amaniebo saneyo.

### Amaniebo saneyo

Amaniebo saneyo ji nyazia nyatsɔɔ ne boɔ no ko he amanie nge oti pɔtɛɛ ko he. Nihi ne ji anokuale aloo nihi ne pi anokuale jeo kpo nge amaniebo saneyo ngmami mi. Saneyo o lomi hii nyatsɔɔ. A ngmaa amaniebo saneyohi nge benebe mi nge nihi a he susumi he. A tsuo he numi nihi ke munyuhewawoli a he ni kone tue buli ne na he numi.

Amaniebo saneyo bimi nohye nihi

- Ngmaa saneyo ke ko o kekle ligbi nge sukuu he.
- Ngmaa saneyo ke ko buajo blo hami ko ne o he be no jee gbleegbleegblee o he.
- Ngmaa saneyo ke ko no ko ne o kase nge mo nitse o he.
- Ngmaa saneyo ke ko ni kasemi ko ne o na ke gu no ko ne o pee nge blo kpekpee no o he.

#### Ni tsumi 5.1

**He nuumi enyɔɔnyo ke tsu ni:** Ngmaa munyuzaha oti kake ke akplaha munyuzahi enyɔ nge fomi ligbi yemi ko he.

## Ni tsumi 5.2

Moo kane atikle ne nyee se o kone o ngo mo nitse o munyunguhi ke ngma amaniebɔ saneyo blɔ nɔ tomi ɔmɛ.

<https://open.library.okstate.edu/internationalcomposition/chapter/unique-characteristics-of-the-narrative-essay/>

Note: This download requires translation before the exercise on narrative essay is done. Check because we are not treating a translation topic here.

**Kuu mi ni tsumi:** Ke ko nɔ ne wa kase o he o, moo sese he ke tsɔɔ ketse ne he hiaa ke je juemi kpo ke ha saneyo ngmami nge kuku mi.

## Amaniebɔ saneyo blɔ nɔ tomi.

Amaniebɔ saneyo nge blɔ nɔ tomi ne kudɔɔ nɔ ke ha saneyo o ngmami saminya.

Moo kane demiyo ne o nge itaneti o nɔ.

<https://mhcc.pressbooks.pub/app/uploads/sites/3ɛ/202ɛ/07/Narrative-Essay.pdf>

## Ni tsumi 5.3

Nyee ke nye sibi ne see nɔ ne nye kase ke je ni kanemi o mi o he ni.

### Nya tsɔɔmi

Nya blimi. Jee sisi ke bimi, demi aloo nɔ ko ne maa gbla tue buli a juemi ke ba munyutso o he.

Nɔ ko ne he hia ne sa kaa ni kaneli ɔmɛ ne a le hio nya blimi o mi.

Demi ne jeo yi mi tomi oti o kpo o ma nye piee he.

### Saneyo mi kukuhi

Nya tsɔɔmi fitsofitso ke ha demi o aloo munyutso oti o jeo kpo nge hie o.

Be mi ne nɔ o ya nɔ ke bɔ ne a to ni ɔmɛ a nya ha a jeo kpo.

Kuku fee kuku hee munyuza oti ne a gbeo nya ke demi ne maa ngo mo ke ya kuku ne tsa nɔ o nɔ.

## Nya muomi

Tii demi oti ume a mi ekohu

Hye oti ume a mi ekohu

Ngmaa demi ko ke muo saneyo o nya.

## Ni tsumi 5.4

1. Nge nye kuu ume a mi o, nyee ngma nihi ne he hiaa nge amaniabo saneyo ngmami mi kone nyee sese a he.
2. Nge nye kuu ume a mi o, nyee ngma amaniabo saneyo ne hee kuku ete ne koo jeha ko ne o ya hye. Kane ha nye tsu mi bi ume kone a sese he.
3. Nge nye kuu ume a mi o, nyee kane demiyo ne nyee se o kone nyee ngma munyutso oti ne nge kuku fee kuku mi ke blo no tomihini ne demiyo ngmaloo o gu ke tsu he ni ke gbla e kaneli a juemi ke wo ni kanemi o mi vii.

*Bene i nge Yunivesiti yae o, i boo mode wawee nge ni kasemi mi. Ye mami peeo Yunivesiti Olegomiolego ne ye papaa hu ji tsoolo he je o, a du ni kasemi mumi ke wo ye mi be mi ne i we. Bene i je no kaa niheyo o, i na nyagbe be mi ne kami heto ne ba a tsoo kaa i boe mode saasaa; lo o ji kaa i kpe nge jame a se o no, pohu jine i boo mode nge jame a ni kasemi o mi.*

*Mode boemi.*

*Ja ji bo ne i nu he nge ye mi.*

*I jo ye foli ume a koni si, ne pe le tsuo o, i jo imi nitse hu ye koni si. I pee basaa jame a ligbi o ne i susu bo ne si gbeemi ne o maa ye ye ni kasemi ne tsa no o awi ha. Pe ye ni kasemi nge Yunivesiti o ne ma nyagbe lo? Loko ma po ye yi ke fo si o, i he ke su ye foli ume a he ke hla bua womi ke blo tsoomi. Ke gu a no sisi numi ha mi ke a nile mi kuomi nge nyagba ne i ke kpe o he o, a wo mi he wami ne i yo mla kaa no fee no nya maa be ke.*

*Niine, kpemi aloo mode boemi nge ka mi o joo no koni si lee se ma nye kase ni gbagblaa ne ma na kudolo kpakpa ne maa kudoo mi nge ye ni kasemi be ne pie nge Yunivesiti o kone ma ke nyagba ne o eko ko ya bua hu kookoko ne ma ya no ne ma bo mode kaa sa a ekohu.*

*I ba yo kaa si gbeemi pie adesa wami si himi he ne wa no yami, mode bo ke kplokoto daa si nge bo ne wa nyeo gbleeo nyagbahi a mi o no. I kase hu*

*ne i yo se nami ne wa naa nge nihi ne yeo buaa wo o a de mi. Ne i ke ye tsoolo ke kudolo o tsu ni o, i na ye ni kasemi o he sisi numi wawee nitse ne lo o ye bua ne ye mode bami te si ekohu. Ke piee he o, i kase kaa nyumu gugue mi ne tu te pa nya nge. Ene o he ne nyumu tu we fo nge ta nya a ne. Ke ta a nya wa ne ka nya mi o ne e maa ta ne suongme hu se e kpo mi po hu o, e sa ne ma nye pee nyumu ka. Nyagba ne i gblee mi ne o pee tsakemi ke no dlami ke ha mi nge bo ne i ji mwone o ligbi ne o. Ye bua jo kaa i na ni kasemi ke wami he ke gu nyagba ne ba a mi. I ba yo hu kaa no yami guo nyagbahi a mi ke baa.*

## Kalemi saneyo

### Meni ji kalemi saneyo?

E ji saneyo ne kaleo nihi, nihi (adesahi), he, no ne o gu mi ke be hye, he numi nge blo kledae ko no ke ekpa kome kone o ke bli no ne o nge kalee o he foni nya ke ha e kaneli. E sa ne o to nya saminya ne gbi o he ni tsumi ne je kpo ke gbla tue buli a juemi ke ba no ne a nge kanee o no.

### Kalemi saneyo he blo no tomi

Kalemi saneyo he blo no tomi nge kaa bo ne saneyo ne wa kase he ni ke be o nge o ke.

**Nya blimi:** E sa ne e je kpo ke tsoo no he potee ne saneyo o koo. Tsu bimi ne hia we heto he ni ke tse kaneli a juemi se ke wo ni kanemi o mi.

**Munytso mi kukuhi:** Hie o ji he ne a gbaa nihi ne a yaa tu he munyu o kpe ke tsoo. Munytso oti o ne je sisi numi kpo nge munytso kuku fee kuku mi ke gbla kaneli ome juemi ke wo ni kanemi o mi. Be fee be ne no ko maa ngma kuku ehe o, e sa ne yi mi tomi ehe ne je kpo nge leje o hulo.

**Nya muomi:** Yi mi tomi oti ome ne o tu a he munyu nge kuku ome a mi o, wo a no ta ekohu aloo o do otihi ne ya no nge saneyo o mi ome a no kaa bo ne wa kase nge kuku ngmami mi o.

### Kalemi saneyo nohye nihi

- Seni ngongoe ko kalemi.
- Kale juemi nge he yemi ke no yemi he.
- Womi ko ne o suo wawee kalemi.
- Kale o kekle blo hiami ne o hia ke ya ma se.
- Kale o hue ne o suo saminya.

## Ni tsumi 5.5

Kε gu nɔ nε nyε kase ɔ nɔ ɔ, nyεε ngma nɔ nε ji kalemi saneyo. E kε amaniebo saneyo ɔ, te nɔ nε mi he wa ha mo nεε?

Jahane ɔ, moo hye seni nε ɔ kone o kane nihi nε nyεε se ɔme kone nyε de nyε juemi ngo ha nyε sibi kε kɔ kalemi saneyo ngmami blɔ nɔ tomi ɔme a he. Blɔ nɔ tomi ɔ te nɔ nε o susu kaa e he hiaa wawεε nεε? Meni he je nε o susu ja?

[Kalemi saneyo - Search \(bing.com\)](https://www.bing.com)

Nihi nε nyεε se ɔme ji kalemi saneyo blɔ nɔ tomi ɔme.

## Kalemi saneyo he so

- **Gbi ɔ** mi nε tsɔ ha kaneli. Gbi ɔ he ni tsumi kε munyutso oti ɔ nε hi glε kake nɔ.
- Mo tsu munyuhewoli a he ni. Ene ɔ tsɔɔ kaa saneyo ngmalɔ ɔ nε tsu lengmengmle, kaleli, okadi kε miblekeli a he ni kε gbla tue buli a juemi kε ba saneyo ɔ nɔ.
- O muyutso ɔme nε a hi gbugbugbu kε ha saneyo ɔ he susumi.

## Ni tsumi 5.6

### Nihi nε a hyε kε ngmaa kalemi saneyo

1. Kekle ɔ, gbεε si nge munyutso nε a ha mo ɔ nɔ kone o ngo nɔ nε o le ɔ kε lo saneyo ɔ. Bua anɔkuale aloo munyu kεkε kome nε o hεε ɔ a nya.
  - a. Lɔ ɔ se ɔ, moo to otihi nε maa je kpo ɔ a nya.
  - b. Etene ji kaa, ngmaa munyuza oti kε ha kuku fεε kuku.
  - c. Ene ɔ se ɔ, moo lo saneyo ɔ.
  - d. Nyagbe ɔ, kane saneyo ɔ ekohu. Ene ɔ ma ha o ma dla tɔmihi nε nge mi ɔ tsuo.

O maa ngo nɔ ko kε piεε he lo? Nge ni enuɔ nε ɔme a kpεti ɔ, te nɔ nε he hia pe mε tsuo ke o nge kalemi saneyo ngmae ɔ?

### Ni tsumi 5.7

1. Nge nye kuu ɔme a mi ɔ, nyee ngma kalemi saneyo ne hee kuku ete ne koo Gana zugba a si fofoe he kone o tsoo nihi ne kudo nye ke ngma saneyo ɔ. Kane saneyo ɔ ha nye tsu mi bi ɔme.
2. Moo ngo gbi tso he ni ne o tsu nge amaniebo saneyo ɔ mi ɔ ke to kalemi saneyo ɔ he. Nyee ke nye tsu mi bi ɔme ne sese he.

## Peemiblonɔ Saneyo

Ene ɔ ji saneyo ne gblaa kanelo ɔ juemi ke baa munyutso ɔ he. A gbaa munyutso ɔ mi fitsofitso ke tsoo no ɔ peemi bo aloo peemi blo no.

### Blo no ne a guo ke ngmaa peemiblonɔ saneyo

Loko o ma nye ngma peemiblonɔ saneyo saminya a, e sa ne o nu munyutso ɔ sisi. Bimi nohye ni kome ji nihi ne nyee se ɔ ne;

1. Meni he je e sa ne nihi a tsa no ne a hi je mi nihi kasee?
2. Sese se nami ne nge yi mi puemi tsami he.
3. Tsoo nyagba ne nge tso poomi ne a du we ke ma nane mi ɔ he.
4. Bo ne sosia midia nge wa ni kasemi blo no tomi awi yee.

Ke o yaa ngma peemiblonɔ saneyo ko ɔ, e sa ne o tsu blo nya tomi ne ɔme a he ni.

- a. Kane bimi ɔ saminya.
- b. Kane nihi ne o kase ke be nge saneyo ɔ he ɔ ekohu. Boo mode kaa o ma bi o tsoolo ɔ ne e gba nihi a mi ke ha mo. Kane munyutso ɔ he ni nge klamahi aloo womi kpahi a mi.
- c. Ngoo bimi ɔ ke wo munyutso ne sisi numi nge a mi.
- d. Moo pee mo nitse o blo nya tom.
- e. Moo ngma nya blimi kpitii ko ke je o saneyo ɔ sisi.

Yi mi susumi ni tsumi: Bene o kane blo nya tomi ɔ ta ke ha peemiblonɔ saneyo ɔ ngmami ɔ, meni ketsehi o maa suo ne o je nge saneyo ɔ ngmami mi?

### Peemiblonɔ saneyo he blo no tomi

Nihi ne nyee se ɔme ji blo no tomi ne a ke ngmaa peemiblonɔ saneyo.



## Saneyo ɔ nya blimi

E sa ne o tu munyutso ɔ he ni ke bli saneyo ɔ nya ne o do no ne o ma demi ɔ no kpiti.

**Munyutso mi kukuhi:** Behi fuu ɔ, a tsuo kuku ete pe he ni se o ma nye tsu kuku pe ete he ni. Hie ɔ ji he ne a gbaa munyutso ɔ he bo ne a deo e he nihi tsuo fitsofitso. E sa ne kuku fee kuku ne hee juemi potee ko nge munyutso ɔ he. Ene ɔ ma ha ne sisi numi ɔ maa je kpo paa. E he hiaa kaa kuku ɔme ne a hi tsakpa nge a sibi a no kone a nyee no nyatsoo.

## Nya muomi

A doo saneyo ɔ no ne a tio nihi ne a de ne a he hia pe le tsuo ɔ mi ke muoo saneyo ɔ nya ke no mi mami.

Kane no ne nyee se ɔ kone nyee sese blo no tomi ne a ke ngmaa peemiblonɔ saneyo ɔ he.

<https://www.quora.com/What-are-the-characteristics-of-an-expository-essay>

### Ni tsumi 5.8

1. Tsoo no ne ji saneyo sisi. Kane o heto ke ha nye tsu mi bi ɔme.
2. Nyee nuu nye he enyooonyo ne nyee kane nohye saneyo ɔ kone nyee sese blo no tomihi a no ne wa guo ke ngmaa peemiblonɔ saneyo ɔ he.

<https://assets.myperfectwords.com/blog/expository-essay/expository-essay-examples/expository-essay-example-grade-7-pdf.pdf>

1. Nge kuuhi a mi ɔ, nyee sese he ke tsoo blo no ne a guo ke ngmaa peemiblonɔ saneyo.
2. Ngmaa saneyo ne hee kuku ete nge munyutso ‘No he je ne wa nge je mi nihi a he ni kasee’ kone o ngo saneyo ɔ ke ha o tsu mi no kake ne e hla saneyo ngmami blo no tomi ɔme nge mi. Lo ɔ se ɔ, e tsoo e juemi nge no ne e na a he.
3. Nge kuuhi a mi ɔ, nyee ngo blo no tomi ne a ke ngmaa kalemi saneyo ke to peemiblonɔ saneyo ngmami he. Nye je nye susumi ke ha nye tsu mi bi ɔme.

## MI HYEMI EKOHU BIMIHİ

1. Ngmaa amaniebɔ saneyo ne hɛɛ kuku kake kone o yo munyuza oti ke munyuza oti setsɔ ɔmɛ nge mi.
2. Ngɔɔ mo nitse o munyunguhi ke tsɔɔ amaniebɔ saneyo sisi.
3. Moo tsɔɔ nya bɔ ne o maa lo munyutso ne ɔ ha, ‘Nɔ ko ne ya nɔ nge ye change to wami mi’ nge amaniebɔ saneyo gle nɔ.
4. Sese amaniebɔ saneyo ngmami blɔ nɔ tomi ɔmɛ a he. Je o juemi kpo ke ha nye tsu mi bi ɔmɛ.
5. Nyɛɛ ngmaa saneyo ne hɛɛ kuku etɛ nge munyutso, ‘Buajɔ blɔ ko ne i hia’ kone nyɛɛ sese amaniebɔ saneyo blɔ nɔ tomi ɔmɛ ne nye ngma a he. Nyɛɛ ngma munyuza oti ɔmɛ nge kuku fɛɛ kuku mi.
6. Ngmaa blɔ nya tomi ke ha saneyo munyutso ne ɔ, ‘Ye sukuu ɔ’. O he ne hi blɔ nɔ tomi ne a ke ngmaa saneyo ɔ nɔ.
7. Ngmaa kalemi saneyo ne hɛɛ kuku etɛ nge munyutso, ‘Ye hue ne i suo pe kulaa’. O he ko je blɔ nɔ tomi ne a ke ngmaa kalemi saneyo ɔ nɔ.
8. Mɛni ji peemiblɔnɔ saneyo?
9. Ngmaa peemiblɔnɔ saneyo ne hɛɛ kuku etɛ nge munyutso, ‘Nyagba ne nge tso poomi ne a du we ekpa ke ma nane mi he.’ Hye saneyo ɔ lomi bɔ ke e blɔ nɔ tomi ɔ ne o ke ngma.
10. Moo ngɔ amaniebɔ saneyo ke to peemiblɔnɔ saneyo he. Mɛni ji nihi ne sɔ ke nihi ne je muno nge a kpeti?

## REFERENCES

- Ackley, E. et al (1986) *Macmillan English ε2* Macmillan Publishing Company 886 Third Avenue New York, NY 10022
- Crew, F. (1987), *The Random House Handbook* (5<sup>th</sup> Edition) McGraw. Hill Publishing Company New York
- MacGraw Hill, G. (2000) *Grammar and Composition Handbook* McGraw-Hill Publishing Company
- Grieve D. W., and Pratt, K (1971), *Certificate English Language*, Western Printing Service Ltd., Bristol
- Herfferman, A.W and Lincoln, J.E. (1982), *Writing, A College Handbook*, Third Ed. W.W. Norton & Company Inc. London
- Marius, R. & Wiener H.S. (1988), *College Handbook* (2<sup>nd</sup> edition) The McGraw – Hill Publishing Company

## EXTENDED READING

- Read for further knowledge: <https://www.grammarly.com/blog/expository-essay/>
- Denenga, M. S. (2019). *Writing Mastery: Expository Essay: Expository Essay*. Munaii
- Josephine, E. (2020). Narrative Essay <https://doi.org/10.13140/RG.2.2.29485.03041>
- Lee, K. (2020). *How to write great essays*. Calvin Lee
- For more on narrative essay [https://www.researchgate.net/publication/338778494\\_Narrative\\_Essay](https://www.researchgate.net/publication/338778494_Narrative_Essay)
- Read for further clarification <https://myperfectwords.com/blog/descriptive-essay>
- Neumann, J. (2016). *A professor's guide to writing essays: The no-nonsense plan for better writing*. 2nd Edition. Jacob Neumann
- Read <https://fresh-essay.com/descriptive-essays>

## REFERENCES

1. Blanton, L.L. (2021). *Composition Practice*. Henle ELT
2. Starkey, L. (2004). *How to write great essays*. New York: Learning Express
3. Kane, S. T. (2000). *The oxford essential guide to writing*. Berkeley Publishing Books
4. Zemach, E. D. & Rumisek, L. A. (2009). *Academic writing. From paragraph to essay*. Macmillian
5. Blanton, L.L. (2021). *Composition Practice*. Henle ELT
6. DeJoy, N.C. (2021). *Undergraduate writing in Composition Studies*. Utah State University
7. Howlett, M. (2023). *The creative phrase book for descriptive and narrative essay writing: A must-have reference for students to write A+ essays*. Vol 1
8. Kindle Edition.
9. Zemach, E. D. & Rumisek, L. A. (2009). *Academic writing. From paragraph to essay*. Macmillian.

# ACKNOWLEDGEMENTS



Ghana Education Service (GES)

